



Broj: 02-34-1689 /14
Zenica, 23.01.2014. godine

REAGOVANJE

na otvoreno pismo načelnika Općine Tešanj Mr sc Suada Husića, profesora od 21.01.2014. godine

Čudno je, gotovo neumjesno da se jedan načelnik Općine, uz sve akademske titule koje prate njegovo ime, povrijeđen ili uvrijeđen, pokušava "otvorenim pismom" obratiti premijeru kantona s kojim se nije ni upoznao.

Naime, gospodin Mr.sc. Suad Husić je poslao otvoreno pismo u kojem mi zamjera što sam "do sada bio u nizu posjeta prostoru Općine Tešanj, a da se ni jednom nisam najavio Općini ili načelniku".

U uvodu otvorenog pisma načelnik se služi neistinom jer, podsjećam, do sada sam u Općini Tešanj bio ukupno tri puta, a već kod prve posjete Općini Tešanj, preduzeću "FAD" d.d. Jelah – Tešanj i "AS" d.o.o. Jelah Tešanj sa ministrom za prostorno uređenje, a vezano za dozvole oko gradnje objekta, faksom i elektronskom poštom (broj protokola dokumenta 02-34-21945/13) je Ured premijera obavijestio kabinet načelnika o posjeti, ali nikakve reakcije na tu obavijest nije bilo. Druga posjeta bila je katoličkoj župi , a treća preduzeću Alpina-bromy , i ovaj put oko planova proširenja proizvodnje i dodatnog zapošljavanja gdje bi kantonalna vlada mogla pružiti pomoć. Isti dan premijer ZDK je bio u Osnovnoj školi "Huso Hodžić" gdje smo tokom 15-minutnog razgovora sa direktoricom Alminom Brkić uspjeli dogovoriti rekonstrukciju staklenog zida na školskoj dvorani (Kanton će izdvojiti oko 15.000 KM). Taj zid, naime, ugrožava bezbjednost stotina učenika ove škole i neophodno je brzo reagovati. Na istom sastanku bio je i gospodin Muharem Saračević , director SMS u Tešnju s kojim sam razgovarao o nastavku projekta prekvalifikacije u kojem učestvuje i Vlada ZDK sa 20.000 KM.

Ni jedna od ovih "posjeta" nije ni na koji način osporila činjenicu da je gospodin Mr.sc. Suad Husić izbornom voljom građana osoba koja predstavlja sve građane Općine Tešanj. Konačno, sve nabrojane posjete bile su isključivo radnog karaktera i male su svoj razlog, sadržaj i efekte.

Zaista mi je žao zbog povrijeđenosti gospodina Husića kao načelnika i zaključka da radni sastanci i dogovori mogu na bilo kakav način "ugroziti stepen uvažavanja lokalne samouprave i njenih organa", kako piše u otvorenom pismu.

Načelnik Općine, prirodom funkcije koju obavlja mora shvatiti da su protokoli manje važni od učinka naših posjeta i sastanaka. Po tome, ni ja kao premijer, nisam shvatio ništa tendenciozno niti ružno u činjenici da su ministar privrede ZDK g. Mehmed Husić i ministrica za pravosuđe i upravu g-đa Romana Brkić, posjetili načelnika Općine Tešanj Mr.sc. Suada Husića kako bi mu predali Odluku o odobrenju finansijskih sredstava – subvencioniranje troškova organizacije i izgradnje poslovne zone Glinište (odobreno 300.000,00 KM), a da ih je on primio u društvu g Šemsudina Mehmedovića stranačkog čelnika i zastupnika u Parlamentu BiH (!). Šta više, dobro je da je g. Mehmedović na takvom događaju mada u Tešnju ima još zastupnika u parlamentima a da nisu pozvani.

S poštovanjem,

Dostavljeno:

1x Naslovu,

1x a/a.





Broj: 02-34-21945 /13
Zenica, 21.10.2013. godine

Kabinet načelnika Općine Tešanj
n/r Načelnika Općine Tešanj Suada Huskića

Poštovani,

Dana 21.10.2013. (ponedjeljak) planiram sa svojim saradnicima posjeti kompanije „FAD“ d.d. Jelah-Tešanj i „AS“ d.o.o. Jelah Tešanj. Tom prilikom ću obići proizvodne pogone i održati kratke sastanke sa rukovodstvom ovih privrednih subjekata sa ciljem upoznavanja sa trenutnim stanjem u ovim kolektivima.

S toga Vas pozivam, ukoliko ste u prilici da nam se pridružite u planiram aktivnostima. Prema protokolu „u kompaniji „FAD“ d.d. Jelah-Tešanj biću u 14:00 sati, a u „AS“ d.o.o. Jelah Tešanj u 15:00 sati.

Nadam se da ćete biti u prilici da nam se pridružite u planiranim posjetama na području općine Tešanj.

Napominjem, da Vas o ovoj posjeti obavještavam na sam dan realizacije jer se, zbog dnevnih zadataka prethodnih dana nije sa sigurnošću mogao utvrditi precizan termin.

S poštovanjem,

Dostavljeno:

1x Naslovu,

1x a/a.



PREMIJER

Munib Husejinađić, dipl.ing.maš.